

¹ OENEANDA Ptolem. ibid. & Plin. lib. 5. cap. 27. & Onunda Notitiæ antiquæ. *Cyrinus* Oeneandenus Antistes eidem Epistolæ Synodali hujus provinciae subscripsit.

² BUBON Ptol. ibid. quæ & Sophianopolis eidem Notitiæ. *Romanus* Bubonorum in Lycia Episcopus subscripsit Concilio Chalcedonensi, qui, ut arbitror, dicitur Bunensis civitatis in Epist. Synodali ad Leonem.

CALINDA Ptol. ibid. *Leontius* Calindenus Episcopus subscripsit eidem Epistolæ Synodali ad Leonem.

RHODIA Ptolem. ibidem, quæ Rhodopolis dicitur in eadem Notitia. *Agapitus* hujus Episcopus subscripsit Concilio Myrensi, ubi dicitur Rhodi.

PAMPHYLIA.

SIDA Scyllaci in Periplo, & Ptolemæo lib. 5. cap. 5. vulgò *Chirifonda* teste Nigro, *Scandalar* Molano. *Joannis* hujus Episcopi meminit Socrat. hist. Eccl. lib. 7. cap. 27. & Euagrius *Amphilochii* lib. 2. cap. 10. *Amphilochius* autem Sydæ Metropolis Pamphyliæ Episcopus dicitur in Concilio Chalced. necnon *Petrus* Sydetanorum Metropolitæ in Collatione 8. Synodi Constantinopol. generalis quintæ.

ASPENDUS Ptolem. ubi suprâ. Ex ejus Episcopis *Domnus* subscripsit Conc. Nicæno, & *Tribonianus* Ephesino.

ETENE Notitiæ antiquæ Græcæ. *Eutropius* hujus Episcopus subscripsit Concilio Ephesino, & *Eudoxius* Chalcedonensi.

³ ERYMNE Notitiæ antiquæ Græcæ. *Theodorus* Erumnensium Episcopus subscripsit Concilio Constantinopolitano generali sexto.

CASSUS eidem Notitiæ, Cassæ Ptol. ibid. *Tuesianus* Cassonensis Pamphyliæ Episcopus subscripsit Concilio Constantinopolitano primo.

SEMNEUM Notitiæ eidem. ⁴ Semneatanorum civitatis Episcopus *Conon* dicitur in Concilio quinto generali.

⁵ CARALLUS Notitiæ antiquæ Græcæ in Pamphylia, aliis Carallia. *Solon* Caralliæ Episcopus subscripsit Concil. Ephesino.

COTANA Hierocli. *Acacius* Episcopus Κοτάνων Pamphyliæ adfuit Concilio Ephesino. *LUCAS HOLSTENIUS.*

CORACESIUM Ptolem. ibid. vulgò *Scandalar* Nigro test. Ex ejus Episcopis *Theodulus* subscripsit Concilio Constantinop. primo, & *Matidianus* Ephesino.

SYEDRA Ptol. ibid. non Syethra, ut in Notitia antiqua, aliis Syfdra. *Stratonicus* Syfdrorum civitatis Episcopus Concilio Constantinop. sub Agapeto & Menna interfuit.

LYRBÆ Notitiæ & Ptol. ibid. *Cajus* hujus civitatis Episcopus subscripsit Concilio Constantinopolitano primo, & *Taurianus* Ephesino.

COLIBRASSUS Notitiæ, Colobrassus Ptolem. ibid. *Nesius* Episcopus Colibrassi subscripsit Conc. Ephes. & *Longinus* Colobrassensis Constantinop. primo.

SELGA Strab. lib. 12. Selgæ Ptolem. ibid. nunc *Philadelpia* dicitur teste Nigro. *Nunechius* Selgæ Episcopus Concilio Ephesino interfuit. Quibusdam in Pisidia vicina Pamphyliæ est, sed Notitiæ antiquæ est in Pamphylia.

PAM-

NOTÆ LUCE HOLSTENII.

- ¹ *Oeneanda &c.*] *Modestus* Oeneanensis (ut habet MS. Lat. antiquiss.) adfuit Concil. Ephesino, qui in vulgatis Atheniensis Act. 1. Concil. Chalcedonensis.
- ² *Bubon &c.*] Acta græca habent Βυβωνεύων, sed puto legendum Βυβωνέων, hoc est, Bubonenfium.
- ³ *Erymne Not. ant. gr.*] Hierocli Orymna.
- ⁴ *Semneatanorum &c.*] δ Σεμνέων Episcopus legitur in Concil. Constantinop. sub Menna pag. 731. Vide pag. seq. SENNA.
- ⁵ *Carallus*] Carallis *Stephanus* Ifauricam civitatem vocat. Καράλια Hierocli, & sic MS. Latin. Concil. Chalced. Caralicnfis.